

*i ponosito tekla u more pobjede.
A livade i brda izmučena borbom
ostavljala da se odmaraju, da
pamte sve pucnjave, sve juriše,
sve pobjede, da se odmaraju, da
pamte...*

*Ponoć pada, a ja plovim tišinom
tvog mora.*

*Ruke su ti nijeme,
a oči pričaju priču o
hladnoj Sutjesci.*

*Danas šumiš kao tada kad
su se vodile bitke.*

*Danas šumiš kao tada
kad su se gasili životi,
kad se rađala sloboda...*

*Danas si slobodna, hladna rijeko,
danas si radosna i pjevaš s nama
pjesmu slobode, pjesmu vječne mladosti.*

*Ponoć pada, a ja plovim
tišina tvog mora.*

*Ruke su ti nijeme, a
oči pričaju priču o
hladnoj rijeci Sutjesci.*

*Kad se ponovo vratim tebi
reći ćeš mi: koliko je novih
ljubavi djevojaka i mladića u
tebi rođeno,
koliko je novih ljubavi
u tebi uskrslo za zemlju,
za vodu, za cvijet
za slobodu?*